




Republika e Kosovës
Republika Kosova
Republic of Kosovo



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 30.12.2025, ora 10:00

Në këtë mbledhje janë diskutuar këto pika:

1. Fjala hyrëse.
2. Miratimi i rendit të ditës.
3. Shqyrtimi i dy procesverbaleve nga mbledhjet e kaluara,
4. Propozim-vendim për formimin e Komitetit për Politikë e Financa, Nr.01-020/01-0052694/25, i datës 17.12.2025, (Raporton Kryesuesja e Kuvendit, **znj. Adelina Spahiu-Alija**).
5. Propozim-vendim për formimin e Komitetit për Komunitete, me Nr.01-020/01-0052697/25, të datës 17.12.2025, (Raporton Kryesuesja e Kuvendit, **znj. Adelina Spahiu-Alija**).
6. Plani i Punës së Kuvendit të Komunës së Skenderajt për vitin 2026, me Nr.01-112/01-0052698/25, i datës 17.12.2025, (Raporton Kryesuesja e Kuvendit **znj. Adelina Spahiu-Alija**).
7. Plani i Punës së Ekzekutivit për vitin 2026, me Nr.02-112/01-0052640/25, i datës 17.12.2025, (Raporton Kryetari i Komunës **z. Sami Lushtaku**).
8. Propozim-vendim për miratimin e vendimit mbi publikimin e Listës së pronave të paluajtshme të Komunës së Skenderajt për dhënie në shfrytëzime për vitin 2026, me Nr.02-463/01-0052710/25, i datës 17.12.2025, (Raporton Kryetari i Komunës **z. Sami Lushtaku**);
9. Raporti i Planit vjetor të Integritetit të Komunës së Skenderajt për vitin 2025, me Nr.02-052/01-0052703/25, i datës 17.12.2025, (Raporton zyrtari **z. Mirsad Gashi**);
10. Shqyrtimi i Raportit të performances komunal për vitin 2025, me Nr.02-052/01-0052705/25, i datës 17.12.2025, (Raporton zyrtari **z. Baki Beqiri**);
11. Pyetjet e këshilltarëve nën piken të ndryshme.

Kryesuesja e kuvendit, Adelina Spahiu: I nderuar kryetari i komunës, z. Sami Lushtaku, nënkryetar i komunës z. Fadil Nura, të nderuar anëtar të kuvendit, dhe gjithë ju të pranishëm, në sallë janë 26 anëtar, bashkëngjitet mbledhjes Rrezarta Hasani-Ibrahimi.

-Vazhdojmë me miratimin e rendit të ditës, e hap debatin, fjalën ja kaloj;

Hysni Mehani-LVV: Fjala përshëndetëse, kryesuese i kam një serë çështjesh, besoj që do duhej me i diskutua, E para punës ne jemi anëtar të kuvendit dhe është dashur me na thirrë për mbledhje me kohe, dhe mua askush nuk me ka thirrë për mbledhjen e sotme, dhe është dashur dikën me thirrë me vetë se a është e vërtetë që sot kemi mbledhje. Çështja tjetër, ti e dinë që me ligje je e obliguar me na ardhur materiali 7 dite në email para mbledhjes, në ndërkohë mua materiali me ka ardhur dje në email, edhe atë tu insistua të lutem dërgona materialin, dhe gjithashtu këshilltarët e ri do duhej me pas tash emailit e hapur. Gjithashtu është shumë e rëndësishme që një pjesë e vendimeve që KPF-ja dhe Komiteti për komunitete, që fillimisht me u themelua këto komitete e me kalua në pjesët tjera si Planet e punës së kuvendit e te ekzekutivit sepse ashtu e kërkon ligji. Tash imagjino

jemi kuvend komunal dhe jemi anëtar të kuvendit, na propozohet neve plani i punës të kuvendit po pa qenë të përfshirë anëtarët e kuvendit, është një farë qasje tërësisht diktatoriale, ku kryesuesja e përcakton se çfarë këna me bë, dhe është kanë dashur me u mbledh grupi parlamentar i PDK-së, i LVV-së, dhe ti bien propozimet për KPF, dhe të kalojnë përmes KPF-së dhe kjo është në demokraci procedurë. Tash e keni planin e punës së ekzekutivit dhe nuk e dimë hala kush është drejtor dhe do duhej me qenë edhe ata të përfshihen idetë e tyre në planin e punës për me i diskutua. Dhe të ftojë me i respektua këto vendime, që janë tërësisht procedurale e ligjore sepse krejt kjo seancë nuk ka kuptim sepse është tërësisht në kundërshtim me ligjet dhe rregulloret.

Kryesuesja; Hysni, sa i përket materialit, nuk e di qysh të ka ardhur ty dje, ku neve na ka ardhur para 7 dite materiali, dhe e kam si provë në email me ore me datë, dhe sa i përket anëtarëve të ri janë në procedure të hapjes së emailave, po sistemi nuk po i pranon pa emër të prindit dhe sot e keni listën me i shënua emra të prindërve anëtarët e ri, fjalën ja kaloj;

Nënkryetari i komunës, Fadil Nura: Fjala përshëndetëse, urime për së cilin anëtar mandati i juaj, në aspektin teknik dërgimi i materialit është çështje e sekretarisë dhe duhet me pas parasysh se materiali duhet të dërgohet 7 dite para mbajtjes së mbledhjes. Trupat e kuvendit po i formojmë në këtë mbledhje, po planin e punës së kuvendit dhe të ekzekutivit i kemi shti për arsye të performances që është obligative që kërkohen me kalua këtë vite për vitin e ardhshëm.

Afrim Kabashi-NSD: Fjala përshëndetëse, urime për të gjithë ky mandatë, edhe unë kam dëgjuar në kafe për mbajtjen e mbledhjes së kuvendit, dhe emaili nuk me ka ardhur, dhe ne sekretari kam qenë me marr materialin fizikisht dhe nuk ma kanë dhen, dhe dua me dite me ligj a lejohet apo jo dhënia e materialit fizikisht? Dhe mua me ka thënë zyrtari Jeton Osmani që nuk jemi të obliguar me japë materialin fizikisht, dhe të thirret një mbledhje kaq e rëndësishme me këto pika e mos me kanë të përgatitur besoj që nuk është në rregull. Dhe kryesuesë në mandatin e kaluar na ke ftua për konsultë grupet parlamentare dhe kësaj radhe nuk na ke ftua, dhe është kanë mirë me na flua para se me u formua komitetet e përhershme.

Kryesuesja: Afrim, Jetoni ka vepruar drejt, me qenë se ne ju kemi pajisur me laptop dhe vetëm anëtarët e ri kemi drejt me i pajisur me material fizikisht derisa ti pajisim me laptop., Hysni nuk ki drejt replike,

Hysni Mehani-LVV: Kryesuese kam drejt replike ndaj z.Nura, qëndrimi i jonë është ky ne relacion me këtë që po thoni ju, ju e keni këtë të performances, po na jena tu fole për atë që ka rend e ligj dhe ka respektim të rregullores, pra rendi e ligji respektimi i rregulloreve e kërkon që na me vazhdua me fole për pjesën e kësaj, dhe sa i përket fyerjeve të z. Lushtaku nuk kam çka të them është çështje e tij.

Kryesuesja: Me kaq mbyllet debati, shkojmë votim, Konstatojmë me (21) vota për, (5) kundër dhe (0) abstenim, miratohet Rendi ditës, me vërejtje.

Vazhdojmë me piken 3 të rendit të ditës,

-Shqyrtimi i dy procesverbaleve nga mbledhjet e kaluara, e hapë debatin, nëse nuk ka, Konstatojmë me (21) vota për, (5) kundër dhe (0) abstenim, miratohet Procesverbalit nga mbledhja e kaluar e datës 25.09.2025, dhe me (21) vota për, (4) kundër dhe (0) abstenim, miratohet Procesverbalit nga mbledhja e kaluar e datës 04.12.2025.

Vazhdojmë me piken 4 të rendit të ditës;

-Propozim-vendim për formimin e Komitetit për Politik e Financa, Nr.01-020/01-0052694/25, i datës 17.12.2025, (Raporton Kryesuesja e Kuvendit),

Adelina Spahiu-Alija: Propozohet të formohet Komiteti për Politikë e Financa, në përbërje prej 7 anëtarëve (që kryesohet nga Kryesuesja e Kuvendit). Komiteti për Politikë e Financa, kryesohet nga Kryesuesi i kuvendit të komunës dhe përbërja e tij duhet të reflektojë përfaqësimin

e etniteteve politike në kuvendin e komunës. Etniteti politik me numër më të madh të vendeve (ulëseve) varësisht nga përqindja e përfaqësimit në kuvend duhet të përfaqësohet edhe në komitet, vazhdon me etnitetin e dytë që ka numrin më të madh të anëtarëve të kuvendit e kështu me radhë deri sa të ndahen të gjitha vendet në komitet, në këtë komitet duhet të reflektojë barazia gjinore në pajtim me legjislacionin në fuqi. Mandati i anëtarëve të Komitetit për Politikë e Financa është (4) vjeçar i njëjtë me anëtarët e Kuvendit. Anëtarët e Komitetit për Politikë e Financa nuk kanë të drejtë të jenë edhe anëtar të komiteteve tjera, fjalën ja kaloj një anëtar nga subjekti politik PDK, për propozime;

Alban Berisha-PDK: Fjala përshëndetëse, duke pas parasysh gjithherë votën gjinore propozimet nga radha e PDK, për anëtar të KPF-së, janë ex officio, Adelina Spahiu-Alija- kryesuesja,

- Aferdita Rama
- Fikret Rexhepi
- Dardan Shala, dhe
- Alban Berisha, faleminderit.

Kryesuesja: Vazhdojmë me subjektin e dytë LVV, ti jepe propozimin për anëtar të KPF, gjithmonë duke e respektuar votën gjinore, siç e bëri edhe subjekti i parë, dhe propozimi i subjektit të dytë të jetë i gjinisë femërore, fjalën ja kaloj:

Nezir Bejta-LVV: Fjala përshëndetëse, grupi jonë parlamentar LVV, për anëtar të KPF-së , propozon:

- Hysni Mehani.

Kryesuesja: Vazhdojmë me subjektin e tretë NSD, ti jepe propozimin për anëtar të KPF, fjalën ja kaloj:

Afrim Kabashi-NSD: Për anëtar të KPF, e propozoj veten,

- Afrim Kabashi.

Kryesuesja: A ka propozime tjera, nëse nuk ka, shkojmë në votim që propozimet të votohen pako apo një nga një, kush është që anëtarët të votohen një nga një, Konstatohet me (21) vota për, (3) kundër dhe (0) abstenim, Propozimi për votim një nga një i merr votat e mjaftueshme, kush është që anëtarët e propozuar të votohen pako Konstatohet me (3) vota për, (21) kundër dhe (1) abstenim, nuk kalon propozimi që anëtarët të votohen pako.

Vazhdojmë me votimin një nga një të anëtarëve për tu bërë pjesë e KPF-së,

Konstatohet me (21) vota për, (0) kundër dhe (0) abstenim, Alban Berisha, kalon:

Konstatohet me (21) vota për, (0) kundër dhe (0) abstenim, Aferdita Rama, kalon:

Konstatohet me (21) vota për, (0) kundër dhe (0) abstenim, Fikret Rexhepi, kalon:

Konstatohet me (21) vota për, (0) kundër dhe (0) abstenim, Dardan Shala, kalon:

Konstatohet me (3) vota për, (21) kundër dhe (0) abstenim, Hysni Mehani, nuk kalon, dhe

Konstatohet me (27) vota për, (0) kundër dhe (0) abstenim, Afrim Kabashi, kalon:

Atëherë Hysni Mehani nuk i merr votat e mjaftueshme për me qenë pjesë e KPF-së, fjalën ja kaloj Hysni Mehmeti për me dhënë një propozim për me respektuar votën gjinore.

Hysni Mehmeti-LVV: Respektoni ju votën gjinore së neve na vyen koha gjinore edhe për komitetin për komunitete që është po ashtu komiteti i përhershëm. Krejt kjo sallë e dinë që kjo nuk ka të bëjë me votën gjinore po e keni me mua personalisht, mos i përdorni votën gjinore dhe gratë për me luftuar mua, dhe mua kjo veç me bënë nderë, mos i përdorni gratë për luftë politike ndaj meje. Dhe propozimi i LVV për anëtar të KPF-së e ka dhënë profesorë Nezir Bejta.

Kryesuesja: Vazhdojmë me propozimin e subjektit të parë PDK, që propozimi të jetë i gjinisë femërore, fjalën ja kaloj;

Alban Berisha-PDK: Për anëtar të KPF, propozoj;

- Donika Mustafa.

Kryesuesja: Shkojmë në votim që Donika Mustafa të behet anëtare e KPF-së,

Konstatojmë me (21) vota për, (0) kundër dhe (0) abstenim, Donika Mustafa, kalon dhe behet anëtare e KPF-së. Atëherë këta janë anëtarët e KPF;

- **Alban Berisha,**
- **Aferdita Rama,**
- **Fikret Rexhepi,**
- **Dardan Shala,**
- **Afrim Kabashi, dhe**
- **Donika Mustafa.**

Kush është që anëtarët në fjalë të jenë pjesë e KPF-së, Konstatojmë me (21) vota për, (0) kundër dhe (0) abstenim, miratohet formimi i Komitetit për Politik e Financa, me Nr.01-020/01-0052694/25, i datës 17.12.2025, me anëtarët si me lartë.

Vazhdojmë me piken 5 të rendit të ditës,

Propozim-vendim për formimin e Komitetit për Komunitete, me Nr.01-020/01-0052697/25, të datës 17.12.2025, (Raporton Kryesuesja e Kuvendit),

Adelina Spahiu-Alija; Komiteti për Komunitete përbëhet nga anëtarët e kuvendit të Komunës dhe përfaqësuesve të komuniteteve, Komiteti për Komunitete përbëhet nga së paku një përfaqësues i komunitetit jo shumicë që jetojnë në komunë, Përfaqësuesit e komuniteteve jo shumicë në komunë e përbëjnë shumicën e anëtarëve të komitetit të komuniteteve i cili komitet duhet të reflektojë barazia gjinore në pajtim me legjislacionin në fuqi. Mandati i anëtarëve të Komitetit për Komunitete është (4) vjeçar i njëjtë me anëtarët e Kuvendit. Anëtarët e Komitetit për Komunitete nuk kanë të drejtë të jenë edhe anëtar të komiteteve tjera. Nga kuvendi duhen të jenë dy anëtar, dhe nga Zyra për kthim na ka dërgua propozimet e tyre, si në vijim:

- Dejan Shapiq - Përfaqësuese nga komuniteti Serbë, Bajë,
- Gordana Tomiq - Përfaqësuese nga komuniteti i të kthyerve,
- Fatjona Tomasheviq - Përfaqësuese nga komuniteti Serbe, Syrigan ,
- Miftar Salihu - Përfaqësuese nga komuniteti Ashkali,
- Albina Arifi - Përfaqësuese nga komuniteti Boshnjak,

Kërko nga subjekti i parë të jep një propozim për Komitetin për komunitete, fjalën ja kaloj;

Alban Berisha-PDK: Nga PDK-ja për anëtar të Komitetit për komunitete propozoj:

- Kushtrim Dragaj.

Kryesuesja: Kërkojë një propozim nga subjektet politike që nuk janë përfshi në komitete, fjalën ja kaloj;

Nezir Bejta-LVV: Për anëtar të Komitetit për komunitete propozoj nga LVV;

- Floriana Halili.

Kryesuesja; A ka propozime nga subjektet tjera, fjalën ja kaloj;

Feriz Shala-AAK: Për anëtar të Komitetit për Komunitete nga IQ, propozoj;

- Hisni Avdullahi.

Kryesuesja: A ka propozime tjera, me qenë se nuk ka, e kemi për detyrë me shkua në votim një nga një se janë tri propozime.

Konstatojmë me (22) vota për, (0) kundër dhe (0) abstenim, Kushtrim Dragaj, kalon,

Konstatojmë me (4) vota për, (20) kundër dhe (2) abstenim, Floriana Halili, nuk kalon, dhe

Konstatojmë me (22) vota për, (0) kundër dhe (1) abstenim, Hisni Avdullahi, kalon,

Shkojmë në votim si pako, Konstatohet me (21) vota për, (0) kundër dhe (0) abstenim. Formohet Komiteti për komunitete me Nr.01-020/01-0052697/25, të datës 17.12.2025, me këtë përbërje, si në vijim:

- **Dejan Shapiq** - Përfaqësuese nga komuniteti Serbë, Bajë,
- **Gordana Tomiq** - Përfaqësuese nga komuniteti i të kthyerve,
- **Fatjona Tomasheviq** - Përfaqësuese nga komuniteti Serbe, Syrgan ,
- **Miftar Salihu** - Përfaqësuese nga komuniteti Ashkali,
- **Albina Arifi** - Përfaqësuese nga komuniteti Boshnjak,
- **Kushtrim Dragaj** - Përfaqësuese nga legjislativi, PDK dhe
- **Hisni Avdullahi** - Përfaqësuese nga legjislativi, IQ.

Vazhdojmë me piken 6 të rendit ditës;

-Plani i Punës së Kuvendit të Komunës së Skenderajt për vitin 2026, me Nr.01-112/01-0052698/25, i datës 17.12.2025, (Raporton Kryesuesja e Kuvendit);

Adelina Spahiu-Alija; Kuvendi i Komunës është organi më i lartë në Komunë dhe zgjidhet drejtpërdrejt nga qytetarët, dhe funksionon në bazë të Ligjit për Vetëqeverisje Lokale, Statutit dhe akteve të tjera nënligjore. Me planin e punës janë paraparë 11 seanca të rregullta, por sipas nevojës mund të mbahen edhe seanca tjera përfshirë edhe seanca të jashtëzakonshme, solemne dhe urgjente sipas nevojës, siç parashihet me LVL dhe Statutin e Komunës. E hapë debatin, nëse nuk ka, shkojmë në votim;

Konstatohet me (21) vota për, (0) kundër dhe (0) abstenim, Miratohet Plani i punës së Kuvendit për vitin 2026.

Vazhdojmë me piken 6 të rendit ditës;

-Plani i Punës së Ekzekutivit për vitin 2026, me Nr.02-112/01-0052640/25, i datës 17.12.2025, (Raporton në vend të Kryetarit, nënkryetari i komunës).

Nënkryetari i komunës, Fadil Nura: Fjala përshëndetëse, para vetes e keni Planin e Punës së Ekzekutivit për vitin 2026, me kohe e keni marrë materialin, ky planë paraqet kornizat, angazhimet për vitin 2026 të ekzekutivit, që janë të përcaktuara punët e drejtorive zyrave sektorëve, kush ka pyetje jam këtu për përgjigje.

Kryesuesja: E hapë debatin, nëse nuk ka, Konstatohet me (21) vota për, (0) kundër dhe (0) abstenim, Miratohet Plani i punës së ekzekutivit për vitin 2026.

Vazhdojmë me piken 8 të rendit ditës.

-Propozim-vendim për miratimin e vendimit mbi publikimin e Listës së pronave të paluajtshme të Komunës së Skenderajt për dhënien në shfrytëzime për vitin 2026, me Nr.02-463/01-0052710/25, i datës 17.12.2025, (Raporton në vend të Kryetarit, nënkryetari i komunës).

Nënkryetari i komunës, Fadil Nura: Propozim-vendim për miratimin e vendimit mbi publikimin e Listës së pronave të paluajtshme të Komunës së Skenderajt për dhënien në shfrytëzime për vitin 2026, edhe kjo pike ligji e parasheh obligim ligjor që në fund të vitit me u miratua që këto prona që planifikohen me u dhënë në shfrytëzim për vitin 2026, ju ftoj për miratoni.

Kryesuesja: Fjalën ja kaloj;

Hisni Mehani-LVV: Jemi të pa përgatitur për shkak të vonësës së materialit, dhe nuk i dimë parcelat dhe vota jonë është kundër, për shkak se nuk i dimë cilat parcela janë dhe ku ndodhen, dhe do duhej me qenë drejtori me i specifikua se ku ndodhen këto parcela përmes projektorit. Po ajo çka po me intereson janë shume prona neper shume fshatra dhe parcela shitesë dhe nuk po specifikohet qëllimi për çka me u jep.

Afrim Kabashi-NSD: Nënkryetare besoj që kjo pikë do duhej me ardh në seancën tjetër sepse nuk jemi të përgatitur, dhe me na specifikua në detaj përmes projektorit për së cilën pronë së ku gjendet.

Kryesuesja: Fjalën ja kaloj;

Nënkryetari i komunës, Fadil Nura: Nuk kam mendua me lanë për seancën tjetër këtë pikë për arsye ligjore, së ligji e parasheh deri në fund të vitit me nxjerr këtë vendim dhe me publikua në faqe të komunës, dhe ju e dini çdo vite e kemi nxjerr kështu në fund të vitit, dhe është kriter ligjor. Dhe çdo njeri ka drejt qasje në dokumente zyrtare me shikua çdo parcelë ku ndodhet. Dhe shumica janë parcela të njëjta me vitin e kaluar në këtë listë.

Kryesuesja: Fjalën ja kaloj;

Hysni Mehani-LVV: Nuk mora përgjigje, perse janë pjesë e parcelave shtesë që figurojnë neper fshatar. Dhe z. Nura tha janë parcela të njëjta me vitin e paraprak, së i bie, as ju nuk e dini cilat parcela janë dhe ke prua diçka së nuk e dinë së çka po votohet dhe na krejt se dimë çka po votohet.

Nënkryetari i komunës, Fadil Nura: Unë nuk i di ku ndodhen këto prona përmendsh, këto janë prona komunale dhe është parakushte me qenë në këtë listë, është kriter ligjor, dhe çdo pronë kur hynë në procedurë për dhënie në shfrytëzime ka me qenë interesi publik dhe baza ligjore për me marr miratimin.

Kryesuesja: Fjalën ja kaloj;

Nezir Bejta-LVV: Nënkryetarë prej 4 dhjetorit deri sot, është afër një muaj dhe nëse kjo çështje e këtyre pronave është kaq e ndejshme përse e keni lanë për fund, perse po na qitni para aktit të kryer, kur nuk dimë çka me votua.

Kryesuesja: Fjalën ja kaloj;

Nënkryetari i komunës, Fadil Nura: Profesor e kemi obligim ligjor, është seanca e fundit për këtë vite që duhet me miratua këtë vendim për liste të pronave për vitin 2026, deri me 31 dhjetor dhe na jemi në rregull me ligjin dhe me ministrin kemi pas komunikime dhe na ka rekomandua me vazhdua me këtë vendim për prona qysh e parasheh ligji.

Kryesuesja: Dikush tjetër, nëse nuk ka, Konstatohet me (21) vota për, (2) kundër dhe (0) abstenim miratohet Propozim-vendim për miratimin e vendimit mbi publikimin e Listës së pronave të paluajtshme të Komunës së Skenderajt për dhënien në shfrytëzime për vitin 2026.

Vazhdojmë me piken 9 të rendit të ditës;

-Raporti i Planit vjetor të Integritetit të Komunës së Skenderajt për vitin 2025, me Nr.02-052/01-0052703/25, i datës 17.12.2025, (Raporton zyrtari)

Mirsad Gashi: Fjala përshëndetëse, komuna e Skenderajt qysh në seancën e tetorit 2024 e ka hartuar dhe e ka miratuar ky kuvend Planin e integritetit, është një dokument që e kemi obligim ligjorë për parandalimin e korrupsionit, po ashtu e kemi obligim edhe nga MAPL-ja dhe po ashtu është indikator i matjes së performancës, kush ka pyetje jam këtu për përgjigje.

Kryesuesja: Fjalën ja kaloj;

Afrim Kabashi-NSD: Mirsad a janë të nënshkruar deklaratat e kodit të etikës?

Kryesuesja: Fjalën ja kaloj;

Mirsad Gashi: I nderuar deklaratat e kodit të etikës janë të nënshkruar dhe ka qenë obligim nga kodi i etikës dhe një pjesë e juaj nuk e keni nënshkruar dhe njëkohësisht e keni miratuar një komision për zbatim të kodit dhe nuk keni kërkuar llogari kurrë.

Kryesuesja: Fjalën ja kaloj;

Hysni Mehani-LVV: Ti ishte këtu gjatë seancës apo, edhe e pe fjalorin e z.Lushtaku ndaj meje, cilat janë masat e juaja për këto raste?

Kryesuesja: Fjalën ja kaloj;

Mirsad Gashi: Hysni, nuk isha ne sallë, tash erdha, nuk e di për çka e ke fjalën, po edhe nëse ka pas diçka, unë nuk jam kryetar i komisionit për zbatimin e kodit të etikës.

Kryesuesja: Dikush tjetër, nëse nuk ka, Konstatojmë me (21) vota për, (3) kundër dhe (0) abstenim, përkrahjet Raporti i Planit vjetor të Integritetit të Komunës së Skenderajt për vitin 2025. Vazhdojmë me piken 10 të rendit të ditës;

-Shqyrtimi i Raportit të performances komunal për vitin 2025, me Nr.02-052/01-0052705/25, i datës, 17.12.2025, (Raporton zyrtari);

Baki Beqiri: Fjala përshëndetëse, me datë 17 tetor 2025 kemi pranuar konfirmimin për publikimin e raportit të performances për vitin 2024, krahas raportit të përgjithshëm të komunës janë publikuar edhe raportet individuale për se cilën komunë, komuna jonë është renditur në vendin e dytë me 82.85 pikë, që janë të dhëna zyrtare të publikuara.

Kryesuesja: Fjalën ja kaloj;

Afrim Kabashi-NSD: Urime për performancën, po performancë a është ajo që kemi kërkuar disa herë, për pajisjet elektronike për zërimin e seancave, transmetimin live, dhe kamerat, a hinë në kuadër të performances kjo?

Kryesuesja: Afrim, zërimi është në kuvend, seanca live është tu u transmetua, kamerat i kemi vendos, veç jemi duke pritë me gjete një monitorues për kamera, dikush tjetër, nëse nuk ka, Konstatojmë me (21) vota për, (3) kundër dhe (0) abstenim, përkrahjet Shqyrtimi i Raportit të performances komunal për vitin 2025, me Nr.02-052/01-0052705/25, i datës, 17.12.2025.

Vazhdojmë me pike 11, nuk kemi pyetje për këtë mbledhje, mirupafshim.

Procesmbajtësi



Kryesuesja e Kuvendit